

24. februar 2014

**Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquiti imaattut saqqummiuppakka:**

1. Ullumikkut meeqqat inuusuttuaqqallu 18-it inorlugit ukiullit, arlaleriarlutik pinerluuteqarsimasut, angajoqqaaminnit imaluunnit najortiminnit aqunneqarsinnaanngitsut qanoq inissinneqartarpat?
2. Meeqqat inuusuttullu 18-it inorlugit ukiullit sakkortuumik sumiginnarneqarsimanermikkut, sakkortuumik pinerluuteqarsimasut ullumikkut sumut inissinneqartarpat?
3. Aningaasat qanoq annertutigisut meeqqanut inuusuttunullu 18-it inorlugit ikiulinnut inissiigallarnermut atorneqarpat?
4. Inissiigallarnermut imaluunniit inissiivissamik ataavartumik peqartoqarpat, qassit inissaqarpat qassillu utaqqippat inissinneqarnissaminnut?
5. Meeqqat inuusuttullu pinerluuteqarsimasut qanoq nalunaarsorneqarpat?
6. Kiisalu qassit inissiigallartarfimmeereermermi kingorna pinerluuteqaqqittarpat?

(Evelyn Frederiksen, Siumut)

**Tungavilersuut:**

Apeqquteqarnermut tungavigineqarpoq ullumikkut meeqqanut inuusuttunullu pineqaatissinneqarsimasunut inissiivimmik atuineq periarfissaqanngitsoq ilisimagatsigu. Inissiigallarfiusut piusut suuneri qanorlu siunertaqarneri atorneqarnerilu erseqqinnerusumik paasissutissiisutigineqarnissaat kissaatigalugu taamak ittunik apeqquteqarpunga. Taakkuli aamma paaserusuppakka meeqqat inissiiivimmeereeraangamik suliniuteqarfiginermikkut iluatsinneqarnersut paaserusutama ilagaat. Apeqquteqaatimalu tungaviisa ilagaat ilaatigut inuusuttut pinerluuteqarsimasut inissinneqarsimagaluit nakkutigineqarsinnaannerat killeqarsinnaammat.

Apeqquteqaatimma ullut suliffiusut qulit iluanni akineqareersimanissaat kissaatigaara.